

欽定四庫全書

子部

續名醫類案卷十五



南京中医药大学图书馆版权所有

欽定四庫全書

續名醫類案卷十四

齊濟

鬱症

錢塘魏之琇撰

實材治一人年十五因大憂大惱却轉脾虛庸醫用五
苓散及青皮枳殼等藥遂致飲食不進胸中作悶乃
命與合用二百壯交關是五百壯服薑附湯一二劑

金液丹二斤方愈方書混於勞損用溫平小藥誤人

不少悲夫

一人功名不遂神思不樂飲食漸少日夜昏默已半年
矣諸治不效此藥不能治令灸巨關百壯關元二百
壯病減半令服醇酒一日三度一月全安

原注失志
不遂之病

非排遣性情不可以灸法操
其要醉酒陶其情此法妙極

張子和治項關令之妻病飢不欲食常好叫呼怒罵欲
殺左右惡言不輟衆醫半載無效張視之曰此難以
藥治乃使二媼各塗丹粉作伶人狀其婦大笑次日

又令作角觝又大笑其旁常令兩個能食之婦誇其
食美其婦亦索其食而為一嘗之不數日怒減食增
不藥而瘥後得一子夫醫貴有才無才何得應變無
窮

羅太無治一病僧黃瘦倦怠詢其病曰乃蜀人出家時
其母在堂及遊浙右經七年忽一日念母之心不可
遏欲歸無腰纏徒爾朝夕西望而泣以是得病時僧二
十五歲羅令其隔壁泊宿每以牛肉猪肚甘肥等煮

縻爛與之

太監替和尚開革

凡經半月餘且時慰諭之又曰

我與鈔十錠作路費我不望報但欲救汝之死命耳

察其形稍甦與桃仁承氣湯一日三貼下之皆是血

塊疾積方止次日與熟乾菜稀粥將息又半月其人

遂如故又半月與鈔十錠遂行

格致餘論

孫文垣治丁耀文母年四十四常患胃脘痛

肝木侮胃

孀居

十五年日茹蔬素七月因怒吐血梳許不素日平矣

九月又怒吐血如前加腹痛

肝木乘脾

次年二月

木旺之時

忽

理急後重肛門大疼

肝火後迫

小便短澁惟點滴痛不可

言

肝火前迫

腰與少腹熱如湯泡

三陰火熾

日惟仰臥不能側

側則左胯并腿作痛兩痛原痛二陰之痛前甚則後

減後甚則前減

諸痛屬火

至不能坐遇驚恐則下愈墜疼

驚則火動火動水傷

經不行者兩月旬經行腰腹必痛下紫黑

血塊甚多今又白帶如注口渴不寐不思飲食面與

手足虛浮喉中梗梗有痰肌肉消半診之脈僅四至
兩寸軟弱右關滑左關弦兩尺濇據脈上焦氣血不

足中焦有痰下焦氣凝血滯鬱而為火蓋下焦肝腎
所攝腰胯肝之所經二便腎之所主也據症面與手
足虛浮則脾氣甚弱飲食不思則胃氣不充不寐由
過於憂愁思慮而心血不足總為七情所傷故爾經
曰二陽之病發心脾女子得之不月此病近之所幸
脈不數聲音清亮當先為開鬱清熱調達肝氣保過
夏令欠通後再峻補陰血必戒惱怒使血得循經乃可
愈初投當歸龍薈丸以撤下焦之熱腰與少腹之熱

漸退後以香薷石臯龍胆桃仁滑石杜牛膝甘草梢
軟柴胡煎吞滋腎丸二陰全減

韓約齋子婦每怒動則夜臥不安如見鬼魅小水淋瀝
今又大便秘結腹中疼痛腰膝脹墜如生產狀坐臥
不安因痛而脈多不應指孫曰此肝經鬱火所至法
當通利以杏仁桃仁各三錢柏樹根皮山巵青皮各
一錢檳榔五分枳殼八分水煎服之少頃大便通痛
脹遂減

琇按此亦治標耳非滋水生肝病何能已

一婦人因夫荒於酒色不事生產多憂多鬱左胯及環

跳穴疼痛過膝

肝火下鬱於經隧

大小便頻數

肝火下迫於二陰

臍

腹脹疼口乾脈之右手弱左手數近又發熱惡寒汗

因痛出時刻不寧此食積痰飲瘀血流於下部足厥

經挾鬱火而痛恐成腸癰與神效瓜蒌散一貼痛減

半汗止數脈稍退小腹堅如石按之且痛再與前藥

小腹稍軟餘無進退再進之每貼大瓜蒌二枚加丹

皮莪朮五靈脂金銀花諸症悉平

亮卿內人頭痛遍身痛

挾暑

前後心乳皆脹玉戶撮急肛

門逼迫

皆肝火為患

大便三日未行口乾因大拂意事而

起下午發熱似痞惡心煩躁不寧而時當盛暑乃怒

氣傷肝腴暑熱而然以石膏二錢青皮柴胡枳殼各

一錢半夏麴黃芩各八分甘草桔梗各五分夜與當

歸龍薈丸下之大小便皆利熱退諸症悉減惟畧惡

心與青皮飲兩帖全安

程湘內人鼻衄後眩暈嘈雜嘔吐清水夜臥不安腹中
飢而食不下膈孫謂由脾虛肝胆有鬱火也以人參
黃連白朮扁豆甘草陳皮半夏竹茹茯苓石膏水煎
調理而平

黃履素曰予少年患鬱火之症面時赤而熱手足不溫
復覺咽乾口燥體中微黃夜更甚就醫吳門粗工投
以黃連黃芩黃柏等藥服方二劑忽覺手足甚冷漸
漸過腕過膝鼻間突出冷氣神魂如從高橋墜下深

谿陰陰不能自止幾登鬼錄延名醫張連水治之張云症雖悞服寒藥又不可驟以熱藥激之但服八珍湯加薑及天麻久當自愈如法調之雖漸安而元氣則大減矣後簡方書有云鬱症不可折以寒劑悞治致死然則予之不死幸也夫記之以爲鑒戒

潘埏曰予稟氣素偏於火晚年多難懷抱鬱鬱因而肝氣不平上衝心肺水火不能旣濟殊無應病之藥乃自製一方名曰兼制丸以柴胡龍胆青皮各五錢平

肝歸身一兩養肝生地一兩生甘草五錢瀉南方黃
栢一兩知母五錢補北方蒼朮八錢燥濕苓連各六
錢清心肺桂心二錢引經加白朮防已陳皮茯苓蜜
丸每服八十丸常服有效

褚記室

琇按合黃潘二說觀之皆鬱火症也一則服苦寒
幾斃一則服苦寒有效要之人之稟賦各殊陰陽
亦異臨症者不執著也

龔子才治何進士夫人患經行胃口作痛增寒發熱一

醫以四物湯加官桂香附服之卽吐血而痛愈甚診之六脈洪數乃鬱火也以山卮二兩薑汁炒黑色一服立愈

馮楚瞻治一壯年作宦失意退居抑鬱成疾卽經所謂常貴後賤名曰脫營常富後貧名曰失精其候氣血日消神不外揚六脈弦細而澁飲食入胃盡化為痰必咳吐盡出乃能臥津液內耗肌表外疎所以惡寒而瘦削以東垣麻黃桂枝湯加白朮薑棗二三劑脈

氣漸充有神痰涎咳吐俱愈繼以十補丸及歸脾養榮加減全瘳

呂東莊治吳弁王偶患寒熱旋至熱不退胸中作惡診之曰此肝鬱而致感也用加減小柴胡湯一劑減半次進柴胡地黃飲子呂適他往後日用六君子湯加黃芩且戒之曰明日若尚有微熱在內則後日須再用地黃飲子一帖而後用六君子此後皆有次第不可亂也因服地黃飲子覺熱已退盡遂竟用補中益

氣湯一帖是夜卽煩熱不安乃知次第果不可紊仍
用地黃飲子卽安然後依次服至第三日再用補中
益氣湯泰然得力矣第覺病後煩怒易動時體虛劣
自改用歸脾湯呂歸診之曰今脈已無病但夜寐不
著耳曰正若此奈何曰當加味歸脾湯曰今已服此
方而未效曰君試我歸胃自愈矣一劑而鼾睡達旦

必去遠志木香而
入地黃麥冬白芍

琇按此等病予惟以地黃飲子令服五七劑永無

他患今必用六君補中歸脾以至紛紛此何故耶未免呆守立齋成法之過

沈氏婦夏月發寒熱醫以為瘧也時月事適下遂淋漓不斷又以為熱入血室用藥數貼寒食益厲月事益下色紫黑或如敗醬醫且云服此藥勢當更甚乃得微愈耳乃疑其說請呂診之委頓不能起坐脈細數甚按之欲絕問其寒熱則必起未申而終於子亥曰鬱火虛症耳檢前藥則小柴胡湯彼意以治寒熱往